

Skatterådimit najoqutassiaq

Pineqartoq: Inuussutissarsiutinut peqatigiiffinnut ilaasortaanermut akiliutit ilanngaatigineqartarnerat.

Akilerartarnermut inatsimmi § 17, imm. 1, nr. 1 naapertorlugu inuussutissarsiutinut peqatigiiffinnut ilaasortaanermut akiliutit ilanngaatigineqarsinnaapput, tassani allassimammatt ingerlatsinermi aningaasartuutit, tassa aningaasarsiat piniarnerannut, isumannaalliniarnerannut allangutsaaliorniarnanullu ukiup ingerlanerani akissajaataasimasut aningaasarsiat akileraruteqaataasussat naatsorsorneranni ilanngaatigineqarsinnaasut.

Inuussutissarsiutinut peqatigiiffinnut ilaasortaanermut akiliutinik ilanngaateqarsinnaaneq piluglu ataani allassimasut najoqutassiat ukioq aningaasarsiorfik 1993 aallarnerfigalugu atuutilersussatut skatterådip akuersissutigai.

Tamanna isumaqarpoq "Inuussutissarsiutinut peqatigiiffinnut/kattuffinnut akiliutit, matumani ilaallutik sulisitsisut peqatigiiffinnut sulinikkullu inuussutissarsiutinut peqatigiiffinnut akiliutit ilanngaatigineqarsinnaammata, tassami taakku peqatigiiffit/kattuffiit ilaasortat inuussutissarsiutitigut soqutigisaat sammisarimmassuk."

Inuussutissarsiutitigut soqutigisanik oqarneq ima paasineqassaaq; sammisarsianut aammalu/imaluunniit aningaasanut tunngasunik soqutigisat.

Tamanna kinguneqartussaavoq sulisitsisut peqatigiiffinnut, sulinikkut inuussutissarsiutinut peqatigiiffinnut aammalu inuussutissarsiutigalugu peqatigiiffinnut/kattuffinnut allanut, taakkua akilerartartup aningaasanut tunngasunik soqutigisai aallaavigalugit, matumani ilanngullugit soqutigisaqaqatigiinnut akissarsiat sulinikkullu atugassarititaasut pillugit ataatsimoorussanik isumaqatigiissuteqartarnissaq pingaarnertullugu anguniagarippassuk, ilaasortaanermut akiliutit aningaasarsiat akileraruteqaataasussat naatsorsorneqarneranni ilanngaatigineqarsinnaanerannik.

Tamatuma saniatigut peqatigiiffinnut allanut, tassalu ilaasortat sammisaanut aammalu/imaluunniit aningaasanut tunngasunik soqutigisaanik sammisaqartunut, naak ataatsimoorussanik isumaqatiginninniartannikkaluartunut kiisalu akerleriissuteqarnerup nalaani ilaasortanut aningaasanik tapersiinnissamut atugassanik aningaasaateqartoqarsinnaavoq. Matumani pineqarput inuussutissarsiutitigut soqutigisaqaqatigiit peqatigiiffii/kattuffii, soorlu assersuutigalugu APK, FANG aammalu KNAPK.

Inuit ataani taaneqartut inuussutissarsiutinut peqatigiiffinnut ilaasortaanermut akiliutinik ilanngaateqarsinnaanermmut maleruagassani aammattaq ilaatinneqarput, soorlu:

1. Suliffissaaleqisut.
2. Inuit maannamut sulinnikkallartut, kingusinnerusukkulli suleqqilerumaarnissaanik ilmagineqartut.

Atorfillit, atorfilinnut assingusumik atugassaqaqtitaallutik atorfeqaqtitaasut kiisalu ukiunik aalajangikkani atorfeqaqtitaasut maannamut inuussutissarsiutinut peqatigiiffinnut/kattuffinnut ilaasortaanermut akiliutigisimasatik kiisalu peqatigiiffinnut/kattuffinnut allanut, pineqartup sammisai/ilinniagarisai tunngavimmikkut tassunga attuumassuteqarpata, ilaasortaaginnarsimanerminullu akiliutigisimasatik ilanngullugit ilanngaatigisinnaavaat.

Akissarsiortut marlunnik amerlanerusunilluunniit suliffeqartut peqatigiiffinnut arlalinnut ilaasortaanerminnut akiliutitik ilanngaatigisinnaavaat.

Erseqqissarneqassaaq suliffissaarunnissamut aningaasaateqarfimmut (A-kassemut) akilersuutit ilanngaatigineqarsinnaannginnerat suli atuummat.

Ilanngullugu ilisimatitsissutigineqassaaq inuussutissarsiutinut peqatigiiffippassuarni toqukkut qimaguttoqarneratigut pisartagaqartitsiniarluni ataatsimoorussamik sillimmasiinerit pilersin-neqarsimmata. Toqukkut qimaguttoqarneratigut pisartagaqartitsiniarluni ataasiakkaanit i-nuussutissarsiummut peqatigiiffimmut ilaasortaanermut akiliutaanut ilanngullugu akilersinne-qarsimappat, taava akiliut tassunga tunngasoq peqatigiiffimmut akiliummit ilanngaatigineqas-sanngilaq, kisiannili inuussutissarsiummut peqatigiiffimmut ilaasortaanermut akiliummik i-lanngaatigineqarsinnaasumit millilerussutigineqassallutik.